

Cunghgung Cunghyangh Daengx Guek Yinzda Cangzvejivei Gozvuyen Daengx Guek Cwnghhez Cunghyangh Ginhvej Aen Hohdienh Gvendaengz Angqhoh Gvangjsih Bouxcuengh Swcigih Laebbaenz 60 Hopbi

Cunghgung Gvangjsih Bouxcuengh Swcigih Veijyenzvei、Gvangjsih Bouxcuengh Swcigih Yinzda Cangzvejivei、Gvangjsih Bouxcuengh Swcigih Yinzminz Cwnghfuj、Gvangjsih Bouxcuengh Swcigih Cwnghhez、Gvangjsih Ginhgih:

Youq mwh Gvangjsih Bouxcuengh Swcigih laebbaenz 60 hopbi, Cunghgung Cunghyangh、Daengx Guek Yinzda Cangzvejivei、Gozvuyen、Daengx Guek Cwnghhez、Cunghyangh Ginhvej angqhoh caeuq camndei gak cuz ganbu ginzczung caeuq gyoengqvunz gak gyaiq Gvangjsih Bouxcuengh Swcigih, angqhoh caeuq camndei gyoengq cijcanyenz aen bingdohi Yinzminz Gaijfangginh capyouq Guengjsae、gyoengq guenbing bingdohi Gvangjsih Vujgingj caeuq gyoengq gangingj cwnghfaz, angqhoh caeuq camndei sojmiz gyoengq dungzci caeuq baengzyoux gvansim haeujcoengh hwnqguh hwnghfat Gvangjsih Bouxcuengh Swcigih!

1958 nienz Gvangjsih Bouxcuengh Swcigih laebbaenz, dwg youq gwnz lizsij minzczu gvanhaeh guek raeuz gaiq sigbei hungsang ndeu, hainduj le bien faenzcieng lizsij moq Guengjsae gak cuz ganbu ginzczung miz aen dangj daiqlingx caezcaemh danggya guhcawj、hwnqguh Guengjsae gyaunde. 60 bi daeuj daegbied dwg gaijgwz hailangh doxdaeuj, Guengjsae guhbaenz le gij bienvqah hungloet mbwn fan dei h boek doenghbaez caengz miz gvaq. Ginhgih saedlig dem’ak yienhda, sezsih giekdaej ngoenz beij ngoenz ndei, hailangh gapguh cienzmienh gya’ gvangq, gak hangh saehnieb ndawbiengz cienzmienh hwnghfat baenaj, gunggeng duetgungz aeundaiej gij cincanj miz gietdingh yi yi, gij saedceij gak cuz lwgminz gaijndei yienhda, ndawbiengz laebdaeb huzndei onjdingh. Hwnqguh swnghdai vwnzmingz cingzyauq yienhda, bya heu raemx saw swnghdai ndei baenz le gaiq ciubaiz dijbauj

Guengjsae, gij cozyung hendawz swnghdai ancienz baihnanz guekcoj ngoenz beij ngoenz doedok. Cukgaeuq fatok gij ak aen cidu ranghdieg minzczu gagguenj, gvangqlangh fatyienz gij vwnzva conzdzung maenndei Cunghvaz, gak minzczu doxgyau doxdoeng doxyungz engqgya haeulaeg, gij eiqsik caezcaemh aen Cunghvaz Minzczu ndeu engqgya maenhsaed. Aen dangj gensez cienzmienh gyagiengz, giekdaej gaemgienz engqgya maenhrem. Daegbied dwg Guengjsae itloh cungj dingjmaenh leih’ik guekgya youq giz cei q sang, itloh cungj ndwn youq giz cei q baihnaj baujhoh dieg henzguek, cawjdoengh yungzhaeuj caeuq fugsah aen canloz cungjdaej hwnghfat guekgya, vih henhoh diegdeih guekcoj caezcingj caeuq mwnhoengh hwnghvuenh guhok gunghawj youqgaenj. Aen Guengjsae ngoenzneix, diegnamhnding dauqcawq hoenghhwdhwd, Bwzbuvanh hwnzgoenz nyaengqfoedfoed, gak cuz lwgminz sim doxlien z、fwngz doxdaz, geuj baenz diuz cag ndeu, mboujduenh gyavai q yamqdin duetgungz buet haeuj siujgangh, ngienx gyaeuj enj aek yamq hung byaij youq gwnz diuzroen gvangqlangh doengrat sevei cuji miz daegsaek Cungguek.

Roekcib bi fwnfnw rumzrumz, roekcib bi dawzmak nuengqroem. Gij cingzci lwenqda Gvangjsih Bouxcuengh Swcigih 60 bi doxdaeuj aeundaiej mbouj yungzheih, gingniemh dijbauj dangqmaz. Doenghgi neix liz mbouj ndaej Dangjuncunghyangh、Gozvuyen maenh’ ak daiqlingx, liz mbouj ndaej daengx gih gak cuz ganbu ginzczung mbouj dingz haenqguh, liz mbouj ndaej daengx guek lwgminz caencingz bangcoengh. Saedguh cwnghmingz, cijmiz dingjmaenh Cunghgoz Gungcanjdangj daiqlingx, dingjmaenh yiengh sevei cuji miz daegsaek Cungguek, dingjmaenh cienzmienh gyalae gajgwz hailangh, dingjmaenh aen cidu ranghdieg

minzczu gagguenj, dingjmaenh couqmaenh gij eiqsik caezcaemh aen Cunghvaz Minzczu ndeu, cijndaej saedyienh Guengjsae hwnghfat baenaj, saedyienh “Cunghvaz Minzczu ranz caen ndeu, doengzsim caemh guh loqsiengj Cungguek”.

Yiengh sevei cuji miz daegsaek Cungguek yamqhaeuj seizdaih moq, Guengjsae caeuq daengx guek doxcaez ndwn youq giz hwnjdin lizsij moq. Dangj caeuq guekgya soqlaiz gig yawjnaek Guengjsae hwnghfat, gvansim Guengjsae gak cuz ganbu ginzczung dangqmaz. Daegbied dwg Cibbet Daih aen dangj doxdaeuj, Siz Ginbingz cungjsuhgi lai baez cijsi baecih gij hong Guengjsae, vih guh ndei hong Guengjsae caiq daezhawj ciuqei youqgaenj. Maqmuengh Guengjsae gak cuz ganbu ginzczung itloh cungj yaengxsang mbawgeiz hungmbwk sevei cuji miz daegsaek Cungguek, aeu Dwng Siujbingz lij lun、 “sam aen dai byauj” cungyau swhsien g、gohyo z fazcanjgvanh、 gij swhsien g Siz Ginbingz sevei cuji miz daegsaek Cungguek seizdaih moq guh dazyinx, cienzmienh gvancez gij cingsaenz Cibgouj Daih caeuq Cibgouj Gaiq Ngeih Cung、Sam Cung Cienzhohi aen dangj, laebmaenh “seiq aen eiqsik”, giendingh “seiq aen gagsaenq”, giengiet henhoh gij diegvih haedsim Siz Ginbingz cungjsuhgi、giengiet henhoh gij gienzvi caeuq gij daiqlingx gyonjcomz doengjit Dangjuncunghyangh, giengiet gvancez doeksaed gij gezcwz baijbouh Dangjuncunghyangh、Gozvuyen, gejuengq swhsien g、laemxsim baenaj、gung roengz gunnanz, netsaed guh ndei gak hangh hong fouq lwgminz hwng Guengjsae, roengzrenz youq doidoengh ginhgih hwnghfat caetliengh sang fuengmienh yamq ok yamqdin moq, youq baujjang caeuq gaijndei saedceij lwgminz fuengmienh aeundaiej baenaj moq, youq gyagiengz baujhoh swnghdai vanzging fuengmienh raen miz cingzci moq, youq

hengzguh aen canloz hailangh daiqdoengh、doidoengh hwnqguh “it rangh it loh” fuenghmienh haiok gugmienh moq, aeu daih hailangh hingzndaej daih hwnghfat daih yathamj, caeuq daengx guek doengzcaez yamqhaeuj aen biengz cienzmienh siujgangh, youq gwnz roen moq saedyienh aen muzbyauh haenqguh “song aen bak bi”、saedyienh aen loqsiengj Cungguek daih fukhwng Cunghvaz Minzczu caiq guh’ ok gunghawj engqhung!

Yinzminz gaijfangginh capyouq Guengjsae、bingdohi vujgingj caeuq duivuj cwnghfaz dwg gij ligliengh youqgaenj hen henzguek caeuq hoh ndawbiengz Guengjsae onjdingh. Aeu itloh geiqmaenh sawjmingh、dang ndaej hwnj daknaek, laebdaeb fatyienz conzdzung caeuq cozfungh maenndei, henhoh caeuq coicaen minzczu doxgiet, gyamaenh caeuq gyaak ginhcwng ginhminz gingminz doxgiet, vih Guengjsae gaijgwz hwnghfat onjdingh caiq laeb goenglauz moq.

Hawj raeuz engqgya gaenjmaed doxgiet youq seiqhenz aen Dangjuncunghyangh aeu Siz Ginbingz dungzci guh haedsim, mbouj lumz simnduj、geiqmaenh sawjmingh, dawzneuz doxbang、haenqheiq baenaj, mboujduenh sij ok bien faenzcieng moq baihnanz guekcoj mwnhoengh hwnghfat seizdaih moq, haiok daengzcoz biengzdeih Betgveiq engqgya gyaunde!

Hoh Gvangjsih Bouxcuengh Swcigih hwng’vuenh fatdad!

Hoh Guengjsae gak cuz lwgminz vuenyungz an’ onj!

Daengx guek gak cuz lwgminz daih doxgiet fanhbi!

Cunghgung Cunghyangh Daengx Guek Yinzda Cangzvejivei

Gozvuyen

Daengx Guek Cwnghhez

Cunghyangh Ginhvej

2018 nienz 12 nyied 10 hauh

(baihgwanz cie p banj daih’ it)

Ciuhgyawj doxdaeuj, gak cuz lwglan maenndei Guengjsae itloh ndwn youq baihnaj dawz ranz hen guek, doxciengj gyahaeuj gwzming doucwngh, nyoenxok buek dem buek vunzndei vunzmaenh baenzbaenz cungj mbouj lau、cungsaed mbouj bienq, sijok le souj dem souj go gyaezguek gamjdoengh diendeih、ak gvaq lajmbwn. Dwng Siujbingz daengj gwzminggyah banlaux daiqlingx Baksak Gijyi, laebhwnj le Cojgyangh Yougyangh Gwzming Gwnhgidi, youq gwnz lizsij Cungguek gwzming sij roengz yieb ronghsag ndeu. 60 bi gaxgonq, senhgau laebbaenz Gvangjsih Bouxcuengh Swcigih, hai le diuzroen moq doxgiet baenaj、mwnhoengh hwnghfat. Ndae minzczu cwnghcwz aen dangj ciuqrongh, swcigih byaij gvaq le diuzroen haenqguh gig

mbouj bingzciengz, aeundaiej le cingzci lwenqda geiq haeuj lizsij.

——**Ginhgih saedlig daih fukdoh yathwnj.** 1958 nienz, digih swnghcanj cungjci z ngamq miz 20 lai ik maenz, bi’ gvaq baez daih’ it mauhgvaq 2 fanh ik maenz. Daegsaek nungzyez ciuhneix hainduj baenz gveihmoz; gunghyez diji ciuhneix gyavai q laebhwnj; hangz fugsah saedyienh yathamj hwnghfat, doi q ginhgih demmaj gunghawj beijlwd dabdaengz 50% . Liujcouh daengj dieggoek gunghyez gaeuq vuenh goetyiet, Bwzbuvanh Ginhgih daengj giz ginhgih demmaj moq hwnghfat hoenghhwd. Daj Sizvan Dasanh daengz song hamq Sihgyangh, dauqcawq dwg gij gingjsaek ngoenz beij ngoenz gyaunde, hwnghfoedfoed hawj vunz sim’ angq.

——**Gaijgwz hailangh yamq**

hung baenaj. Vunz Guengjsae gamj guh gij saeh vunz caengz guh, itloh baumaenh gij yienghceij bouxhaenqguh caeuq bouxbuekhoenx. Gizneix dwg dieggoek daengx guek aen cunhvejivei daih’ it, dwg gaiq naz sawqguh rangh henz guek ginhyungz gyoebhab gaijgwz、aen cidu diegdeih lajmbanj gaijgwz、yiengh hawsingzvaq moq gyoebhab gaijgwz, cau h ok le “vunqsik Denzdzung” lajmbanj ginhungz gaijgwz. 40 bi daeuj, Guengjsae doi q rog gaicawx cungjgeg demmaj 200 lai boix, bi’ gvaq dabdaengz 572 ik meijyen z. Cungguek–Dunghmungz Bozlanjvei ciengxlwenx an’ gya youq Guengjsae, gaenq banh baenz 15 gaiq, gij rengzyingji yangj gozci “miengloh Nanzningz” mboujduenh gyadaih. Doenghbaez gungx henz guek doxdoi q fungsak neix, ngoenzneix gaenq baenz ranghdieg nauhyied cei q

baihnaj doi q rog hailangh.

——**Saedceij lwgminz gaijndei gig daih.** Doenghbaez, “bya lai reihnaz noix, cib ranz bet ranz hoj”. Bi’ gvaq, singz mbanj gihminz swcigih moix vunz bingzyaenz gij souhaeuj ndaej yungh faenbied mauhgvaq 3 fanh maenz caeuq 1 fanh maenz. Saehnieb ndawbiengz cienzmienh cinbu, youq dieg baihsae cei q caeux hengzguh aen gunghcwngz gunggeng ciknieb gyauyuz, youq dieg minzczu sien bujgiz gouj bi yivu gyauyuz, moix vunz bingzyaenz yawhgeiz souhyien z sang gvaq daengx guek bingzyaenz sui jbingz. Gij cing saenz vwnzva swnghhoz vunz lai lai cungj lai yiengh, minzczu conzdzung vwnzva ndaej baujhoh cienzciep, “fwenhaij” Guengjsae riuzmingz ndaw guek rog guek, vwnzva “Liuz Sanhcej” riuzhengz daengx guek.

(bailhaj cienj banj daihsam)